

Kodeks Udruženja za borbu protiv korupcije «Transparency International» u Bosni Hercegovini

Naša Vizija

Društvo koje počiva na pravičnosti, transparentnosti i odgovornosti, sposobno da spriječi i kazni korupciju.

Naša Misija

(Mi smo) organizacija koja se bori za sistemske promjene u društvu i artikuliše zahtjeve građana za odgovornom, transparentnom i efikasnom vladavinom. To postižemo u partnerstvu sa javnim, privatnim i civilnim sektorom.

Svrha

Zaštita od korupcije moguća je mobilisanjem globalne zajednice, te unapređivanjem i jačanjem međunarodnog i nacionalnog sistema integriteta.

Rad Udruženja se bazira na sljedećim principima:

- TI BiH locira i analizira odgovornost učesnika na svim nivoima za korupciju i daje naglasak na prevenciju i reformu sistema, ne izdvajajući pojedine slučajeve;
- TI BiH smatra da je pokret protiv korupcije globalan i da nadilazi društvene, političke, ekonomske i kulturne sisteme;
- Uže, TI BiH proučava principe sudjelovanja, decentralizacije, različitosti, odgovornosti i transparentnosti;
- TI BiH u političkom smislu nije stranački opredjeljen.
- TI BiH priznaje da postoje jaki praktični, kao i etički razlozi za sprječavanje korupcije.

Kako TI BiH ispunjava svoju svrhu?

- TI BiH gradi državne, regionalne i globalne koalicije, obuhvatajući vlast, civilno društvo i privatni sektor, s ciljem suzbijanja kako domaće, tako i međunarodne korupcije;
- TI BiH podržava Ogranke u zemljama koji provode misiju TI-a;
- TI BiH asistira u dizajniranju i implementaciji efektivnog sistema integriteta, i
- TI BiH skuplja, analizira i prosljeđuje informacije i time podiže nivo svijesti javnosti o štetnom uticaju korupcije (pogotovo u državama s prosječno niskim primanjima) na ljudski i ekonomski razvoj.

Ključne vrijednosti Udruženja

Transparentnost,
Odgovornost,
Integritet,
Solidarnost,
Hrabrost,
Pravda i
Demokratija.

Ostali ključni principi kojima se rukovodimo:

Osooblje TI BiH se obavezuje da će poštovati sljedeće principe:

1) Kao inicijatori koalicija, obavezujemo se da ćemo sarađivati sa svima - individualcima, grupama,

profitnim i neprofitnim korporacijama i organizacijama, sa vladinim i nevladinim tijelima, koji su posvećeni borbi protiv korupcije;

- 2) Obavezujemo se da ćemo biti otvoreni, poštteni i odgovorni, kako u odnosima sa našim saradnicima, tako i jedni sa drugima;
- 3) Obavezujemo se da ćemo u našem radu biti politički nezavisni i neopredjeljeni;
- 4) Energično i hrabro osuđujemo mito i korupciju gdje god je indentifikovana, ali ne obavezujemo se na otkrivanje i objavljivanje pojedinačnih slučajeva korupcije;
- 5) Težimo da zauzmemo poziciju zasnovanu na ispravnim, objektivnim i profesionalnim analizama i visokim standardima istraživanja;
- 6) Prihvatamo samo finansiranje koje ne ugrožava našu slobodu, istinitost i sposobnost u obavljanju poslova;
- 7) Obavezujemo se na ažurne i tačne izvještaje o našim aktivnostima;
- 8) Poštujemo i podržavamo fundamentalne slobode i prava;
- 9) Težimo da naša politika zapošljavanja osoblja bude uravnotežena i reprezentativna u pogledu polova i regiona.

Sprječavanje sukoba interesa

U našem radu sukob interesa može nastati između našeg privatnog interesa i interesa Udruženja, u odnosima sa drugim ograncima ili Sekretarijatom TI. Takav sukob ćemo otkriti i razjasniti na transparentan način u interesu TI kao međunarodnog pokreta, u skladu sa usvojenim politikama i drugim internim aktima.

Nepovlašteni tretman porodice i prijatelja pri zapošljavanju

Posvećeni smo fer, objektivnom i nepristrasnom postupku zapošljavanja i nabavke, posebno u sljedećim slučajevima:

1. Članovi porodice, prijatelji i organizacije sa kojima smo povezani neće imati povlašteni tretman;
2. Nezapošljavamo ili sklapamo ugovor sa užim članovima porodice, tj. supružnicima, roditeljima, djecom ili rodbinom ili sa članovima uže porodice Upravnog odbora Udruženja;
3. Zapošljavanje ili sklapanje ugovora sa osobama koje su u srodstvu sa predsjedavajućim Upravnog odbora treba biti odobreno od strane UO;
4. Zapošljavanje je zasnovano na pažljivom procjenjivanju svih aplikacija primljenih na osnovu interno i eksternog (javnog) raspisanog konkursa.

Pokloni i reprezentacija

Postoje raznoliki običaji davanja i primanja poklona u različitim kulturama. Pošto se prihvatanjem poklona može kreirati obaveza, izbjegavat ćemo primanja i davanje darova i usluga u poslovanju sa javnim zvaničnicima i postupati u skladu sa sljedećim politikama:

- Ne prihvatamo direktan ili indirektan diskont, poklon, pozive na večere, kulturne događaje ili turističke posjete i usluge koji mogu uticati ili imati za cilj da utiču na izvršavanje naših funkcija i dužnosti ili na naše rasuđivanje;
- Svi pokloni vrijednosti između 20 i 100 EUR će biti registrovani kao što je objašnjeno u sljedećem paragrafu, a svi pokloni vrijednosti iznad 100 EUR će biti odbijeni;
- Proces registracije poklona: Svi pokloni će biti prijavljeni nadležnom osoblju i dokumentovani na materijalu dostupnom TI BiH osoblju.

Putovanja i imovina Udruženja

- Zvanična putovanja TI BiH osoblja će biti direktno povezana sa radom TI BiH i poduzeta samo onda kada su neophodna. Samo ekonomski i realno opravdani troškovi putovanja će biti nadoknađeni. Opravdani su samo troškovi ekonomske klase u avio saobraćaju, a o izuzecima odlučuje Izvršni direktor uz savjetovanje sa Upravnim odborom;
- Osiguraćemo da se resursi TI BiH koriste efektivno. Sredstva koja su pod našom kontrolom korišće se isključivo za unapređivanje ciljeva TI BiH;
- U slučaju kada je privatno putovanje povezano sa poslovnim, unaprijed ćemo obavijestiti izvršne organe, te isplatiti sve dodatne toškove koje privatno putovanje iziskuje iz sopstvenih privatnih sredstava.

Privatne aktivnosti i privatna imovina

- Nećemo se angažovati u bilo kojim aktivnostima ili transakcijama, sticanju neke pozicije ili funkcije, bilo da je plaćena ili ne, ukoliko je to nekompatibilno sa našim radom ili umanjuje propisno izvršavanje naših funkcija, te ukoliko takvo angažovanje može ugroziti reputaciju TI BiH;
- Naše privatne poslove ćemo organizovati na takav način da se ne uplićemo u bilo koje aktivnosti koje bi mogle umanjiti kredibilitet TI BiH, odajući utisak da TI BiH podržava pojedince, javne ili privatne institucije čije ponašanje je ocjenjeno kao nesaglasno sa TI BiH vrijednostima;
- Nećemo upotrebljavati poslovne odnose TI BiH da bismo tražili ili obavljali usluge ili za sticanje dobiti u privatnom životu;
- Nećemo dozvoliti da naše političke aktivnosti ili veze utiču na političku neutralnost TI BiH-a, koja je njegov zaštitni znak.

Honorari

U slučaju da osoblje TI BiH primi honorar za javni govor, pisanu publikaciju ili pojavljivanje u medijima u koje su uključene informacije TI BiH dobijene kroz zaposlenje ili saradnju sa TI BiH, tada se dio honorara uplaćuje TI BiH-u (u skladu sa Pravilnikom). Međutim, Izvršni direktor može odlučiti da se pomenuti honorar djelomično ili u cjelosti proslijedi dotičnom članu osoblja.

Post-zaposlenje

Nećemo dozvoliti da perspektiva budućeg zaposlenja utiče na naše odluke i aktivnosti u TI BiH.

Povjerljivost i transparentnost

- Informacije objavljene u TI BiH tretiraćemo sa povjerenjem, kada njihova priroda tako zahtjeva i nećemo koristiti takve informacije i materijale u daljem privatnom interesu. Ova obaveza traje i nakon prestanka rada ili saradnje sa TI BiH;
- Bićemo otvoreni koliko je moguće o svim odlukama i aktivnostima koje poduzimamo uzimajući u obzir napred spomenute potrebe za povjerljivošću.

Finansijska transparentnost

- Obezbeđivaćemo i objavljivati propisne finansijski izvještaj u lako dostupnoj formi;
- Godišnje ćemo objavljivati izvore finansiranja koji prelaze 1000 EUR
- Donatorima ćemo dostavljati pravovremene i tačne račune u skladu sa ugovorom o grantu.

Finansijska nezavisnost

Postupaćemo prema pravilniku Upravnog odbora i nećemo prihvatati fondove koji bi mogli uticati na nezavisnost organizacije u provođenju svoje misije.

U ovom smislu TI BiH će:

- Prihvatati sredstva samo od donatora koji dijele naše antikorupcijske ciljeve;
- Uspostavljati ravnotežu između resursa obezbijeđenih od strane javnog i privatnog sektora, fondacija, dobrotvornih ustanova i doprinosa članova;
- Tražiti više donatora iz svih gore pomenutih kategorija;
- Ne prihvatati sredstva koja su uslovljena ili strukturisana tako da ograničavaju TI BiH od nezavisne akcije u smislu da: Uslovljavaju aktivnosti koje su nekonzistentne sa misijom TI BiH, ili sprječavaju provođenje aktivnosti koje doprinose ostvarivanju misije TI BiH.
